

詩

經

廣

詁

詩經廣詁 國風

桐城徐璈輯錄

幽 第十五

左傳吳公子札觀於周樂爲之歌幽曰美哉蕩乎

史記作蕩蕩乎

樂而不淫其周公之東乎

襄公二十九年

漢書地理志曰梅邑有幽鄉詩幽國昔后稷處豳公劉處

幽其民有先王遺風好稼穡務本業故幽詩言農桑衣食

之本甚備

文中子程元曰敢問幽風何也曰變風也周公之際亦有

變風乎曰君臣相誚其能正乎成王終疑則風遂變矣非

周公至誠孰能卒之哉幽居變風之末何也曰夷王以下
變風不復正矣夫子蓋傷之也故終之以幽風言變之可
正也唯周公能之故繫之以正變而克正危而克扶始終
不失乎本其惟周公乎繫之幽遠矣哉周公篇 范祖禹
之間風之所為終而雅之所為始也 金履祥曰幽風居于風雅

七月
八章

孔叢子孔子曰於七月見幽公之所以造周也記義篇 金履祥曰
七月由之遺詩周公陳之以為贖工之譴詩皆采之當世
而前世之存者不可泯也 玆按孔叢之言蓋以七月為
幽國之詩矣所云公者
殆即遷幽之公劉與

王符曰七月之詩大小教之終而復始後漢書本傳 註
大謂耕桑之法小

謂索樹之類自春及冬終而復始也

干寶曰周公遭變陳后稷公劉風化之所由致王業之艱難者則皆農夫女紅衣食之事也其積基樹本經緯禮俗節理人情恤隱民事如此之經綸也

晉書帝紀總論

九月授衣

賈公彥曰季秋九月授衣之節司裘季秋獻功裘以待頒賜功裘之內有羣臣所服之裘

周官疏按下列衣無褐箋云貴者無衣衣即裘矣

或衣字爲裘之脫誤也

一之日鶩發二之日栗烈

說文一之日凟冰二之日𩚑

𩚑

楊慎曰凟冽字從冰氣寒結而爲冰月令十二月水

澤腹堅是也霜發冬日寒風悲慘其聲似之謠所云簫頭吹簫栗也瓊按說文所引則澤冰亦從冰旁而颶颶乃從風發義與今詩文倒異蓋三家之詁也

文選註二之日凜冽

古詩十九首段曰文選長笛賦正劉凜以風冽廣韻凜冽寒風也玉篇

冽寒氣也澤冰凜冽皆疊韻字以說文為正

三之日于耜四之日舉趾

韓詩曰三月之時可預取耒耜繕修之至于四月始可舉

足而耕也

御覽八百二十二駁按三之日傳謂夏之正月韓訓三月四月者以周正言

漢書四之日舉止

按顏註四之日周之四月夏之二月亦兼明韓詩之義也

同我婦子饁彼南畝

韋昭曰野饋曰饁

國語注引詩

顏師古曰其婦與子同以食來至南畝治田之處而饋之

也

漢書食貨志注

田峻至喜

孫毓曰小民耕農妻子相饁雖冀缺迎賓之敬大夫儼然
銜命巡司何爲辱身就耕民公嫗壘畝之間其飲食乎

正義

按箋以喜爲饁孫駿其義也
疏曰田峻來喜其勤於農事也

春日載陽

薛綜曰陽暖也

文選東京賦注

殆及公子同歸

王肅曰幽君既修其政又親使公子躬率其民同時歸也

正義 按由公之子而躬率其民親農桑之事蓋即高宗舊勞于外爰知小人之依之意矣 戴震曰為公子裘自陶民言之謂由公子也此及為公子裳自陶之女子言之謂公之女公子也婦人謂嫁曰歸

蠶月條桑

玉篇曰蠶月挑桑枝落之取其葉也

按此訓與箋同而字作挑于取義為近

也 熊禾曰由風備一年之月日獨缺三月則蠶月是也

猗彼女桑

正義 猗彼女桑

臧氏堂曰傳云角而束之日猗正義引左傳云譬如捕鹿晉人角之諸戎猗之猗角

皆連束縛之名是此本作猗也

七月鳴鵒

趙岐曰七月鳴鵒鵒博勞也

孟子注

曹植曰詩云七月鳴鵙七月夏五月伯勞以五月鳴應陰

氣之動其聲鵙鵙故以其音名也

御覽九百二十三

王肅曰七當為五月令仲夏鵙始鳴

左傳昭公十七年正義段玉裁曰鳴鵙

夏小正月令皆五月趙注孟子云鳴鵙應陰而動釋趙意亦是五月也

崔集注曰五月鳴鵙古五字如七因訛為之

詩攷補遺引曹氏詩說

四月秀蓂

許慎曰劉向說四月秀蓂此味苦苦蓂也

說文曹粹中曰即今藥中小

草也 耶光庭曰月令孟夏苦菜秀苦菜即苦蓂也

孟康曰蓂盛貌

漢書禮志注引詩璩按訓蓂為盛謂草木榮秀至四月而極盛也下文隕蓂亦兼

草木之類言之不專一物也 又按淮南時則訓孟夏行春令則秀草不實高註使當秀之草不長茂此言蓂正謂

其長茂且四月孟夏也

郭璞曰四月秀蓂蓂莢屬

穆天子傳注 璩按莢似苗無實而先熟故于四月言之也

爾雅疏四月莢蓂

璩按夏小正四月秀幽無傳郭璞以蓂為莢屬則幽為莢之轉也

五月鳴蜩

類篇五月鳴蜩

十月隕穽

許慎曰凡草木皮葉墜地為穽

說文引詩

一之日于貉取彼狐貉

詩義問曰狐之類貉貉也貉子曰貉形狀似狸爾雅貉

子貉謂子貉狸子貉

北堂書鈔

言私其縱獻豨于公

鄭衆曰一歲爲縱二歲爲犯三歲爲特四歲爲肩五歲爲

慎

慎讀作嚴

周官註引詩

玃按此與爾雅傳

箋俱差互不同王引之曰蓋三家詩說也

周禮注獻肩于公

嚴可均曰齊風還並驅從兩旂韓詩作肩彼章句曰獻三歲曰肩今此云四歲

爲肩者古四字作三與三形近因訛也

七月在野

淮南時則訓孟秋蟋蟀居奧 高誘曰蟋蟀蜻蛚趣織也

詩曰七月在野此曰居奧不與經合

玃按爾雅奧隈屋內爲奧郭註今江東呼

爲浦奧與奧通是亦在野之意也

八月在宇

韓詩曰宇屋雷也

釋文陸德明曰屋四垂爲宇

十月蟋蟀

詩義問曰蟋蟀食蠅而化成也

御覽九百四十九

劉芳毛詩義筌曰蟋蟀食促織也一名蜻蛚楚謂之蟋蟀

或謂之恭南楚謂之王孫

御覽九百四十九

塞向瑾戶

韓詩曰北向窗也

釋文玉篇曰塞向向窗也

儀禮疏塞鄉瑾戶

曰爲改歲入此室處

淮南子時則訓季秋霜始降乃命有司曰寒氣總至民力

不堪其皆入室高註詩云入此室處也

班固曰春令民畢出在塾冬入於邑詩云云所以順陰陽

備寇賊習禮文也

漢書食貨志白虎通義 鄭按入室義此為詳備不獨為禦寒也

鄭康成曰城郭之宅曰室

周官注引詩

顏師古曰入此室處去田中入室也

漢書食貨志注

漢書畢為改歲

王應麟曰幽風十月云曰為改歲言農事之畢也祭義于三月云歲既畢矣言農

事之畢也農桑一歲之大務故皆以歲言之

六月食鬱及藁

韓詩曰六月食鬱及藁藁一名鐵鐵山韭也

爾雅釋草疏說文引同

劉楨詩義問曰鬱樹高五六尺其實大如李正赤食之甜

御覽九百

七十三

花木志曰燕莫實大如龍眼黑色說文謂之嬰莫一名車

鞅幽詩食鬱及莫此名燕莫

御覽九百七十四

十月穫稻

蔡邕曰十月穫稻九月熟者謂之半夏稻

御覽八百二十九

爲此春酒

高誘曰酎春醞也詩爲此春酒

呂覽孟夏紀注 瓠按春酒高氏以爲飲酎解觥卽

氏以爲飲烝則周禮之肇于公劉國函者不獨軍徹諸政矣

八月斷壺

賈公彥曰壺瓠甘可食者

周官疏引詩

九月叔苴

考文九月叔苴

按手鑑叔拾也卽同傳訓是字本作叔也

上入執宮功

唐石經上入執於宮功

詩小學曰宮功當爲宮公公事也今襲唐定本之誤

晝爾于茅宵爾索綯

趙岐曰言教民晝取茅草夜索以爲綯綯絞也

孟子注異聞錄曰

漢志冬民旣夕婦人相從夜績女工一月得四十五日此非獨女子也國民晝日往取茅歸夜作綯索以待時用夜者日之餘其爲益多矣

亟其乘屋其始播百穀

趙岐曰及爾閑暇乘蓋爾野處之屋春事起爾將始播百

穀矣

孟子注 范祖禹曰天運而不息人勤而不已故我稼既同則又將始播殖矣

二之日鑿冰沖沖三之日納于凌陰

韓詩曰冰者窮谷陰氣所聚不洩則結而爲伏陰二之日

夏之十二月三之日夏之正月沖沖聲也凌陰冰室也

初學

記

七

鄭志夏十二月取冰二月開冰四月頒冰其常也此晚者

建寅乃藏冰與周禮十二月藏冰較遲一月邠土寒故也

三輔黃圖曰納于凌陰凌室藏冰之所漢在未央宮

水經注曰朝廷置冰室于斯阜

平縣故城

室內有冰井常以十

二月採冰于河津之隘峽石之阿北陰之中卽詩二之日

鑿冰沖沖矣而納于井室所謂納于凌陰也

河水篇

韓詩納于陵陰

藝文類聚九按歐引詩與初學記引韓詩同則此句凌作陵當為韓寫也

說文納于陵陰

四之日其蚤獻羔祭韭

高誘曰四之日其早

禮記注亦作早

獻羔祭韭開冰室取冰以治

鑑以祭廟春薦韭卵

呂覽仲春紀注

賈公彥曰欲開冰之時先獻羔祭韭而啟冰室乃出冰也

周禮疏

左傳申豐曰古者日在北陸而藏冰西陸朝覲而出之其藏冰也深山窮谷固陰沍寒于是乎取之其出之也朝之

祿位賓食喪祭于是用之祭寒而藏之獻羔而取之其藏之也周其用之也徧則冬無愆陽夏無伏陰春無凄風秋無苦雨雷出不震無霜雪七月之卒章藏冰之道也

昭公

四年

稱彼兕觥萬壽無疆

鄭康成曰月令是月也大飲烝此頌大飲之詩

禮記

禮記註稱彼兕觥受福無疆

周官籥章掌土鼓豳籥

司農云豳國之地竹

仲春飲豳詩以逆暑

註云豳詩七月也吹之者以籥為之聲七月言寒暑之事迎氣歌其類也

中秋夜迎寒亦如

之凡國祈年于田祖飲豳雅以樂田畯

註云亦七月也七月有子紹舉

趾饒彼南畝謂之雅國祭蜡則飲豢頌以息老物注云亦七月也七月又有穫稻爲酒豢堂稱釐萬壽無疆之事謂之頌者以其告農終人功之成

鳴鵲

四章

史記武王崩周公當國管蔡武庚等率淮夷而反周公乃率成王之命與師東伐遂誅管叔殺武庚放蔡叔放般餘民于衛封微子于宋寧淮夷東土二年而畢定周公歸報成王乃爲詩貽王命之曰鳴鵲魯世家

易林曰鳴鵲破斧冲人危殆賴其忠德轉禍爲福傾危以

立

否之

又曰鵲鵲治成御災綏德安家周公勤勞大畜之變

趙岐曰刺幽君也

孟子注

李德裕曰成王聞管蔡流言親召公不悅遂使周公狠跋

而東鴟鴞之詩作矣

文粹三十四

鴟鴞鴟鴞既取我子無毀我室

韓詩傳曰鴟鴞鴟鴞鳥名鴟鴞所以愛養其子者適以病

之愛養其子者謂堅固其窠巢病之者謂不知托于大樹

茂枝反敷之葦蕭風至蕭折巢覆有子則死有卵則破是

其病也

文選陳琳檄吳將校部曲文注

又荀卿子曰南

巢非不牢所

聚之弱也

易林桃雀竊脂巢於小枝搖動不安爲風所吹寒心飄搖

常憂殆危

鹽之漢 按桃雀族之晉作鷓鴣

陳琳曰鳳鳴高岡以遠爵羅賢聖之德也鷓鴣巢于葦荻

荻折子破下愚之惑也

魏志注 檄吳將校部曲

張峻曰鷓鴣恤功愛子及室

文選表

邛光庭曰鷓鴣惡聲之鳥非巧婦無毀我室我巧婦也周

公之意以鷓鴣比管蔡以巧婦比已是鷓鴣欲毀巧婦之

室巧婦哀鳴以無毀也

兼明書 瓊按爾雅鷓鴣鷓鴣與茅鷓怪鷓 鷓鴣並為鷓鴣類又曰桃

蟲鷓鴣郭註即桃雀俗謂之巧婦是則大小殊形強弱異類愛室毀室非能同物耶氏之談良為辨晰矣

鬻子之閔斯

王肅曰閔勤惜也

正義

陸德明曰鬻一云賣也

釋文

迨天之未陰雨徹彼桑土綢繆牖戶

趙岐曰迨及徹取也桑土桑根也言此鴟鴞小鳥尚知及

天未陰雨而取桑根之皮以纏繆牖戶

孟子註

王肅曰以興周室積累之艱苦也

正義

韓詩徹彼桑

杜釋文曰方言東齊謂根爲杜字林作勸釐桑皮也

家語殆天之未陰雨

說文隸天之未陰雨

今女下民或敢侮予

王肅曰今者今周公時言先王致此大功至艱難而其下

民敢侵侮我周道謂管蔡之屬不可不遏絕以全周室

正義

家語幽詩云云

殆天之未陰雨五句

孔子曰能治國家如此雖欲

侮之豈可得乎周自后稷積行累功以有爵土公劉重

之以仁及至太王亶父敦以德讓其樹根置本備豫遠

矣

奸生屬

予手拮据

韓詩曰口足爲事曰拮据

集韻平一

予所蓄租

韓詩曰蓄積也

釋文

釋文予所蓄租

段玉裁曰本正作祖俗誤作租

曰予未有室家

王肅曰我為室家之道至勤苦而無道之人弱我稚子易

我王室謂我未有室家之道正義

予羽譙譙

釋文予羽焦焦

按手鑑焦傷火也焦焦以狀其殺嗣之情當為正字

予尾脩脩

正義曰消消定本作脩脩

臧輔堂曰正義本作消消錢大昕曰唐石經九經沿革皆作

脩脩

予維音嘒嘒

王肅曰言我周累世積德以成篤固之國而為凶人所振

蕩則已亦嘒嘒而懼正義

說文唯予音之曉曉玉篇廣韻引詩皆有之字

東山四章

孔叢子孔子曰於東山見周公之先公而後私也記義篇

鄧道元曰成王幼弱周公攝政管叔流言曰公將不利孺

子公作鴈鴟以伐之卽東山之詩是也水經注

惛惛不歸

藝文類聚惛惛不歸文選註同按廣雅惛惛行也蓋亦三家義惛又作蹈也

零雨其濛

說文曰霤雨其濛霤雨零也又曰零徐雨也御覽引

王逸曰零雨其濛濛盛貌楚詞招魂注

勿士行枚

陸德明曰鄭注周禮枚如箸橫銜之于口爲緝結于項中

釋文

太平御覽勿士銜枚

洪興補曰說文馬勒口中从金从行銜行馬者也或省文正據此詩爲義

臧琳曰周官大閱教戰法遂鼓銜枚而進註枚如箸銜之軍法止語爲相疑惑箋云無銜枚之事是鄭亦作銜也

蝟蝟者蝟

說文曰蝟蝟者蜀蜀葵中蠶也

爾雅境鳥蝟亦璞曰蟲大如指似蠶羅願曰葵菜

之甘者也古言葵蟲不知待乎葵菜今蜀食葵之甘故其體蝟蝟肥大

伊威在室

爾雅釋文

蝟蝟在室

說文作蝟威與爾雅同

蠪蛸在戶

詩義問曰蠪蛸長脚蜘蛛也

御覽九百四十八

詩義笈曰蠪蛸小蜘蛛長跖俗呼之為喜子

同前

廣韻曰蠪蛸在戶

蛸息逕切一切經音義引詩亦作蠪蛸云上音肅下音蕭

叮嚀鹿場

說文曰叮嚀鹿場禽獸所踐處也

楊慎曰左傳叮嚀防

童土之中童土嚀也瓊按童土之義與說文合童土猶童山不殖草木之土故為牧場矣

釋文打嚀鹿場

小爾雅鹿之所息謂之場

熠燿宵行

說文曰熠燿宵行熠盛光也

曹植曰詩熠燿宵行章句以為鬼火或謂之磷未為得也

天陰沈數雨在于秋日螢火夜飛之時也廣韻熠燿螢火別名故云

宵行腐草木得濕而光亦有明驗眾說並為螢火近得實

矣螢火論 正義太平御覽同 按陳思引章句以鬼火為磷與唐李華弔戰場文走磷飛螢別磷螢而二之

其說同也 段玉裁曰韓詩鬼火或謂磷謂鬼火熒熒然也與列子淮南子博物志皆合 漢人改傳熒從螢遂以為

螢矣

易林曰東山辭家處婦思夫伊威盈室長股贏戶歎我

君子役曰未已家人之願 按果贏之賁以下六句箋說皆以為行者懸念其家之詞 焦氏

即以為處婦獨居落寞田廬曠廢情況與下章婦嘆句意相聯 屬唐人古別離云蟋蟀網清戶正用詩語也

伊可懷也

釋文翳可懷也箋伊當作翳

鵲鳴于垤

韓詩章句曰鵲水鳥巢居知風穴處知雨天將雨而蟻出

壅土鵲鳥見之長鳴而喜文選張華詩注鵲仰鳴則晴晴則征夫將至

也邛光庭曰垤土之隆聲近水者若坻沚之類鵲水鳥天將陰雨則鳴于隆土之上婦人聞之憂雨思夫故嘆於

室兼明書

說文曰鵲鳴于垤鵲小爵也王玉樹曰釋文鵲本作鵲是古本作鵲也

烝在栗薪

韓詩曰烝在蓼釋文廣韻蓼同蓼蕭蓼莪之蓼

熠燿其羽

王肅曰倉庚羽翼鮮明以喻嫁者之盛飾也正義

皇駁其馬

爾雅注驤駁其馬釋畜

親結其縢

薛君章句曰縢帶也文選思元賦注

郭璞曰縢卽今之香纓也耶交絡帶繫于體此女子旣嫁

之所著示繫屬于人詩云親結其縢謂母送女重結其所

繫著以申戒之說者以爲帨巾失之矣爾雅釋器注按文選女史箴李

周翰注縢纓也女嫁母施衿結纓曰勉之敬之也此蓋郭義

初學記親結其縢按文選沈約彈文李注引詩亦作縢劉良曰縢帶也蓋用韓訓

九十其儀

韓詩外傳曰九十言多也

玃按外傳以多儀為不息燭不舉樂廟見見舅姑之類何楷

曰儀昏禮之儀也

陳世崇曰東山之詩雨雪寒煥僕馬衣裳室家婚姻出

于聖人之忠厚惻怛故能感人也隨隱漫錄

破斧三章

班固曰天子五年一巡狩三年二伯出述職詩云周公東

征四國是皇言東征述職周公黜陟而天下皆正也白虎通

玃按班何二家述詩同旨三年黜陟正侯伯分陝之事征行也蓋周公于東山軍士既歸之後仍出而東行述職撫綏四國追佃宅邑服在百僚殷頑既靖四國于焉底平觀詩中既又字則破斧以下四篇固不必為與師一時之

作矣

又按班釋詩為魯家

義四國謂四方不同毛也

何休曰此道黜陟之詩也

公羊傳解詁 玃按法言或問為政曰思數昔在周公征于東

方四國是王其思矣夫蓋亦黜陟之義也

周公東征四國是皇

韋昭曰周公時為二伯而東征則上公為元帥也

魯語注

賈公彥曰此上公為軍將也

周官疏引詩

齊詩四國是

匡儀禮疏 惠棟曰 皇匡爾雅皆訓正

周禮疏四國是

進

又缺我錡

韓詩曰錡木屬

釋文 錢澄之曰司馬法 輜輳載一斧一

擊以錡為木屬錢云即錡通前章斧裝正符司馬法之制矣

四國是毗

爾雅注四國是訛

玆按荀子周公南征而北國怨東征而西國怨詩言四國蓋謂東西南北四方

之國同荀意也

又缺我錡

韓詩曰錡鑿屬

釋文陳旼源曰此解錡錡與毛正相反玆按龍龕手鑑亦云錡鑿屬蓋用韓義

陸德明曰一解爲今之獨頭斧

伐柯

二章

王肅曰旣作東山又追作此詩以刺王也

正義

伐柯如何

鄭康成曰伐木之柯柄長三尺

周官註

王肅曰能執治國家之斧柄喻周公能執禮也

正義

匪媒不得

孫毓曰言王以周公之聖欲其速反尚使賢者先行令人

傳通其意

正義李光地曰楚詞苟中情其好脩何必用夫行媒成王既已疑周公非信用二公不能卒

知周公也

伐柯伐柯其則不遠

韓詩外傳曰原天命治心術理好惡適性情而治道備矣

四者不求于外不假于人反諸已而已詩云云

文選註

執柯伐柯

孔叢子操斧伐柯其則不遠

籩豆有踐

王肅曰踐行列之貌籩豆行禮之物言我所見之子能以

禮治國也正義

九罍四章

朱謀壻曰東人送周公之詞也

九罍之魚

韓詩曰九罍取鰕也御覽八百三十四鰕按九罍雅

集韻鰕籩也取鰕而得鰕魴以興小國而居大臣意出望外矣

王肅曰以興下土小國不宜久留聖人正義

袞衣繡裳

陸德明曰六冕之第二者也九章上公降龍

鴻飛遵渚

白帖鴈北徂也

九十四 鵠按鴻之自南徂北猶公之自東徂西也鴻不木棲遵渚遵陸爲循其翔

集之道矣 段玉裁曰鴻者鴻鵠即黃鵠也鴻鵠一舉知山川紆曲再舉知天地方圓故箋云大鳥也

無使我心悲兮

正義無使我心西悲兮

狼跋二章

孔叢子孔子曰於狼跋見周公之遠志所以爲聖也

記義篇

狼跋其胡載遯其尾

毛詩草蟲經老狼項下有袋求食滿腹向前行乃觸之退

後又自踐蹈上蹇其尾進退有患故詩以況跋前疐後

疐

四 敖按跋前疐後動輒得咎遺時則然貪惡非以擬聖也 郝敬曰世稱顛連曰狼狽元亂曰狼籍放散曰狼宕皆患難之比也 胡文英曰狼跋以比管蔡之自為跋扈周公則進退有度不失其常也

鹽鐵論

載躡其尾

說文載躡其尾

戒琳曰躡貽也彘假借字跋當作(頤)說文

頤步行
頤跋也

赤舄几几

說文赤舄己己

又曰赤舄擊擊

董道曰崔集註亦作擊擊

公孫碩膚德音不瑕

小爾雅曰公孫碩膚德音不瑕道成王大美聲稱遠也

幽國七篇二十七章

詩經廣詁 小雅

桐城徐璈輯錄

小雅

左傳吳公子札觀於周樂爲之歌小雅曰美哉思而不貳

怨而不言其周德之衰乎猶有先王之遺民焉

襄公二十九年 范

處義曰季札觀周樂歌大小雅云云一時觀樂豈能盡撤工人於大小雅中取一二以審其音耳

樂記師乙曰恭儉而好禮者宜歌小雅

學記曰宵雅肄三官其始也 鄭註宵之言小也肄習也

習宵雅之三謂鹿鳴四牡皇皇者華也此皆君臣宴樂相

勞苦之詩爲始學者習之所以勸之以官取其上下相和

厚

孔廣森曰升歌鹿鳴同歌魚麗皆以三詩為一終然如

采薇出車杖杜皆勞將士常棣伐木天保皆燕朋友兄弟蓼蕭湛露彤弓皆燕諸侯似亦三篇同奏矣 取按孔

氏之說則宵雅之肆各為其三者乃通正小雅言之不第

荀子曰小雅不以於汙上

注以用也汙上驕君也

自引而居下疾今

之政以思往者其言有文焉其聲有哀焉

儒效篇

司馬遷曰小雅怨誹而不亂

史記屈原列傳

文穎曰小雅之人材志狹小先道已之憂苦其末流及上

政之得失也故禮緯云小雅譏已得失及之于上也

史記司馬

相如傳索隱

服虔曰自鹿鳴至菁菁者莪道文武修小政定大亂治太

平是爲正小雅

正義引左傳注

張揖曰詩小雅之材七十四人大雅之材三十一人

漢書司馬

相如傳揜羣雅注按小雅除亡詩六篇存七十四篇故七十四人也

周續之曰風雅者體同而我化物則謂之風物由我正則

謂之雅考之禮教其歸不殊也

北堂書鈔

鹿鳴之什

第十六

鹿鳴

三章

孔叢子孔子曰於鹿鳴見君臣之有禮也

記義篇嚴粲曰謂羣臣爲嘉

賓以禮待臣之厚也

鄭康成曰鹿鳴君與臣下及四方之賓燕講道修政之樂

歌也

儀禮注 李光地曰四詩皆首文王此亦文王之詩也

司馬遷曰周道凌遲鹿鳴刺焉

史記 王應麟曰馬蔡以鹿鳴為風刺蓋齊魯韓三

家之說 全紹衣曰太史公問尚書于孔安國當為魯詩蔡寫石經用魯詩亦魯傳也

王符曰忽養賢而鹿鳴思

潛夫論 班祿篇

高誘曰鹿鳴之作君有酒者不召其臣臣怨而刺上者非

也

淮南子注

蔡邕琴操曰鹿鳴者周大臣之所作也王道衰大臣知賢

者幽隱故彈絃諷諫

又選長笛賦注 太平御覽引大周正樂同

呦呦鹿鳴食野之苹

焦贛曰鹿得美草鳴呼其友

易林

劉安曰關雎興於鳥而君子美之爲其雌雄之不乖居也

鹿鳴興於獸而君子大之取其見食而相呼也淮南子泰族訓家

語並

同

服虔曰君有酒食欲與羣臣嘉賓燕樂之如鹿得苹草以

爲美食呦呦然鳴相呼以款誠之意盡于此耳疏引左傳注

吳均曰雞有呼羣之德鹿有食草之美在微物其尚然况

仁義之君子哉

本集

大周正樂曰此言禽獸得美甘之食尚知相呼時在位之

人不能也

御覽五百七十八

毛詩草蟲經鹿飲食則皆鳴相召志不相忌也蔡卞名物解

李善曰以興喜樂賓客相招以盛禮也

文選注 按此仍毛傳語但傳云嘉

樂此作喜傳云成禮

此作盛義尤完備

玉篇欼欼鹿鳴

李光地曰文王作靈臺立辟雍與賢臣燕飲其中俯有麋鹿仰有白鳥作者因物起

典此及振鷺之篇是也

吹笙鼓簧

王逸曰笙中有舌曰簧

楚詞注引詩

沈約曰列管匏內施簧管端管在左傍十九簧至十三簧

曰笙

宋書樂志引詩

白帖吹笙鼓簧

樂譜曰詩說簧為笙中之薄金葉蓋近世之簧也簧字從竹不從金元樂志中統間

回同國所進笙以竹為簧古制存焉按此與白氏所引詩作簧者更為義協矣

人之好我示我周行

緇衣子曰私惠不歸德君子不自畱焉詩云云

王肅曰飲食以饗之瑟笙以樂之幣帛以將之則能好愛

我而示我以至美之道矣

正義箋
示當作質

德音孔昭視民不怵君子是則是倣

鄭康成曰嘉賓既來樂其有孔昭之德可則倣也

禮記鄉
飲義注

服虔曰示民不偷薄也

正義顏師古云君子以目視物
以物視人同作視字後世作字異

目視物从示傍見示
人物單作示字也

左傳視民不佻杜預注佻偷也言明德君子必愛民

昭公
十年

中論是則是效

左傳
同

以燕樂嘉賓之心

鍾離意曰鹿鳴之詩必言宴樂者以人神之心洽然後天

氣和也

後漢書本傳

漢書益州刺史王褒聞王褒有俊材請與相見使褒作中和樂職宣布詩選好事者令依鹿鳴之聲習而歌之

王褒

傳

魏書裴安祖少聰慧年九歲就師講詩至鹿鳴篇語諸兄云鹿雖禽獸得食相呼而况人乎自此之後未嘗獨

食

本傳

儀禮鄉飲酒禮工歌鹿鳴四牡皇皇者華 燕禮工歌

鹿鳴四牡皇皇者華 大射禮乃歌鹿鳴三終

大戴禮凡雅二十六篇其可歌者八篇鹿鳴貍首鵲巢

采芣采蘋伐檀白駒騶虞

投壺篇 錢澄之曰墨子云歌詩三百弦詩三百舞詩三

百是三百篇不獨可歌亦備乎弦舞之數

琴操曰古琴曲有歌詩五曲一曰鹿鳴二曰伐檀三曰

騶虞四曰鵲巢五曰白駒

太平御覽五百七十八

杜佑樂制議曰晉司律中郎將陳欣云昔杜夔傳舊雅

樂四曲一曰鹿鳴二曰騶虞三曰伐檀四曰文王皆古

聲辭大和中左延年改夔騶虞伐檀文王三曲更作聲

節其名雖存而聲實異惟夔鹿鳴今不改易也魏代大

朝會常作三篇第一曰於赫篇詠武帝聲律與古鹿鳴
同第二曰巍巍篇詠文帝用左延年所改騶虞聲第三
曰洋洋篇詠明帝亦用左延年所改文王聲第四復重
用鹿鳴之聲而除古伐檀及晉初食舉亦用鹿鳴

文粹四十

四牡

五章

左傳魯穆叔曰四牡君所以勞使臣也

襄公四年

魯語叔孫穆子曰四牡君之所以章使臣之勤也 韋昭

註臣奉命勤勞於外敘述其情以歌樂之

國語註

詩汜歷樞曰四牡在寅木始也

後漢書郎顗傳注

四牡騤騤

五經異義曰古毛詩說天子至大夫同駕四皆有四方之事士駕二也詩云駟驥彭彭武王所乘龍旂承祀六轡耳耳魯僖所乘四牡駢駢周道倭遲大夫所乘

公羊傳疏

周道倭遲

韓詩曰周道威夷

薛君曰威夷險也

文選西征賦注

呂延濟

曰威夷長遠貌

文選西征賦注引詩

又曰周道郁夷

漢石扶風有郁夷

顏師古曰韓詩作郁夷言使臣乘馬行於此道

漢書地理志注

琳曰漢志引詩是以郁夷為地名顏注以詩為韓然選注五引韓詩皆作威夷此與韓毛不同則為魯詩無疑

說文曰倭順貌

詩引

嘽嘽駟馬

說文曰嘽嘽喘息也一日喜也

引詩 廣雅 嘽嘽衆也

又曰疹疹

駱馬疹疹馬病也

按廣雅疹疹疲也亦釋詩義

漢書驛驛駱馬

王事靡盬不遑啓處

杜預曰盬不堅固也

孔穎達曰盬亦蠱也於文皿蠱爲

蠱穀之飛亦爲蠱

左傳襄公三十年 顧大韶曰靡盬二字各自爲義漢書注靡散也說文靡披

靡也蓋謂王事如草之披靡而不植如盬之細碎而不堅固正臣子勤勞奔走之時也

旗靡靡亦紛亂之意方言靡碎也郭註謂倉卒也蓋王事紛亂離解故無有遑暇時也

爾雅注不皇啓處

按廣雅啓啓也與疾肆同訓處居也言奔走王事不暇疾肆而安居與燕燕

居息棲遲偃仰者同其閒適也

左傳鄭子展曰詩云王事靡盬不遑啓處東西南北誰
敢寧處堅事晉楚以蕃王室也王事無曠何常之有左傳
襄公三十年王引之曰爾雅憩休苦息也盬與苦同
周官鹽人典婦功杜子春鄭司農注皆讀苦爲盬蓋盬
者息也王事靡盬者王事靡有止息也王事靡有止息
故四杜云不遑啓處不遑將母鶴羽云不能養桑履采
薇云我心傷悲杜云
繼嗣我日養皆通也

王事靡盬不遑將父

王符曰言在古閒暇而得行孝今迫促不得養也潘夫論

引詩 瓊按此以迫促申
樂盬卽靡有止息義也

翩翩者騅

釋文翩翩者佳賦鑑堂曰佳卽鳥更加鳥非
瓊按爾雅

卜

七

蘇轍曰夫不祝鳩孝鳥也春秋傳祝鳩氏司徒也故孝子不獲養感而興焉

載驟駉駉

說文曰載驟駉駉駉駉馬行疾也

又釋文引字林同

皇華

五章

韋昭曰君遣使臣之樂也

國語注

蔡謨曰古者天王饗下國之使及命將帥遣使臣皆作樂

而歌之

晉書禮志

王融文曰歌皇華而遣使

文選策秀才文

皇皇者華于彼原隰

韋昭曰言臣奉使當顯榮於君如華之色煌煌然

國語注

駢馳征夫每懷靡及

齊語萃萃征夫 韋昭注萃萃衆多也懷私爲每懷靡無

也言臣既受命多思在公無懷其私於事將無所及也

王肅曰使臣之行必有上介衆介雖內多懷中和之道猶

自以爲無所及是以馳驅而咨諏正義 錢澄之曰諸使臣皆同此懷故曰每懷

外傳所謂懷和爲每懷也

王逸曰僉僉征夫僉僉往來聲也楚詞招魂註 按文選注引僉僉行聲張銑曰

僉僉衆貌

列女傳齊姜曰詩云萃萃征夫每懷靡及夙夜征行猶

恐無及况欲懷安將何及矣人不求及其能及乎按此及國

語皆以懷為懷私鄭風
箋亦云懷私曰懷也

我馬維駒

說文曰我馬維駒驕驕馬六尺一曰野馬
釋文駒本作驕

周爰咨諏

陸德明曰說文諏聚謀也
釋文

六轡如絲

高誘曰六轡四馬如絲言調勻也
淮南子修務訓註

墨子六轡若絲
尚同篇

載馳載驅周爰咨謀

墨子曰古者國君諸侯之間見善與不善也皆馳驅以告

天子

尚同篇引詩 李昉曰周官擇人掌誦王志道國之政事以巡邦國而詰之則是使臣之職欲其周徧咨

謀無所不及也

郝敬曰人君深居清穆四方艱難疾苦無由周知故使臣以周咨爲先務

淮南子曰田者不强圖倉不盈官御不厲心意不精將相

不强功烈不成侯王懈墮後世無名詩云載馳載驅周爰

諮謀以言人之有所務也

修務訓

高誘曰諮難也言當馳驅以忠信往謨難之不自專也慎

之至也

淮南子註

劉勰曰周爰諮謀是謂爲議議之言宜審事宜也

文心雕龍

左傳襄公四年魯穆叔對晉侯曰皇皇者華君教使臣

曰必咨於周臣聞之訪問於善爲咨咨親爲詢咨禮爲

度咨事爲諏咨難爲謀臣獲五善敢不重拜

臧琳曰毛鄭杜氏皆

以咨諏謀度詢爲五善韋注國語并周爲六德皆與內外傳本文合

魯語叔孫穆子曰皇皇者華君敎使臣曰每懷靡及諮

謀度詢必咨于周臣聞之曰懷和爲每懷咨才爲諏咨

事爲謀咨義爲度咨親爲詢忠信爲周君貺使臣以大

禮重之以六德敢不重拜

經義述聞曰左傳之五善則無每懷與周而有咨國語之

六德則有每懷與周而無咨毛傳則列周者諏謀度詢凡六事而加以懷爲七事其說各異不可比而同之也

常棣

八章

國語富辰曰周文公之詩 韋曜注常棣之詩周公旦之

所作所以閔管蔡而親兄弟

左傳富辰曰昔周公弔二叔之不咸故封建親戚以藩屏
周召穆公思周德之不類故糾合宗族於成周而作常棣
之詩傳公二十四年鄭志凡賦詩者或造篇或誦古常棣為召穆公所作誦古之篇非造之也
韓詩序曰夫移燕兄弟也閔管蔡之失道也讀詩記曹氏詩說
常棣之華鄂不韡韡

小爾雅曰鄂不韡韡言韡韡也

許慎曰蕤不韡韡韡韡盛貌說文

杜預曰鄂鄂然華外發不韡韡韡以喻兄弟和睦則强盛

而有光輝左傳注

皇侃曰常棣之華先開而後合論語義疏

韓詩夫移之華萬不煒煒藝文類聚八十

御覽棠棣之華 宋書萬不韓韓何尚之謝靈運傳

死喪之威

晉書死喪之威夏侯湛傳 傅咸 白帖死喪之感九

兄弟孔懷

列女傳曰言死可畏之事兄弟甚相懷也

顏之推曰孔甚也懷思也言甚可思也家訓

原隰哀矣

說文繫傳原隰攉矣玉篇引詩同

脊令在原兄弟急難

曹罔曰鵒鵒在原兄弟急難明兄弟相救于喪亂之際同

心于憂患之間

魏志本傳禽經脊令友悌注曰脊令其母者飛鳴不相離

左傳昭公七年衛襄公卒晉大夫言于范獻子曰衛事晉爲睦晉不禮焉庇其賊人而取其地故諸侯貳詩云鵒鵒在原兄弟急難兄弟之不睦于是乎不弔况遠人誰敢歸之

唐書明皇時有鵒鵒數十集麟德殿廷木翔棲淡日魏光乘作頌以爲天子友悌之祥

兄弟闔于牆外禦其務

國語富辰曰若是則闔乃內侮而雖闔不敗親也 左傳

富辰曰如是則兄弟雖有小忿不廢懿親

僖公二十四年

許慎曰閼恆訟也

說文引詩何楷曰字从門从兒蓋取見曹爭辨之義

曹問曰雖有閼牆之訟不忘禦侮則憂患同也

魏志

杜預曰閼爭訟貌言內雖不和猶宜外扞異族侵侮

左傳注

左傳外禦其侮

國語同段曰爾雅務侮也言務為侮之假借

飲酒之飫

韓詩曰飲酒之醺能者飲不能者謂之醺許氏曰醺美

酒也

文選三都賦劉淵林注按許氏當亦韓詩家也

說文曰飲酒之醺醺燕食也

呂向曰食飽而飲酒曰飫

文選兩都賦注引詩

和樂且湛

韓詩曰和樂且耽耽樂之甚也

釋文 按此與毛鹿鳴傳訓甚爲樂之久義互備也

韓詩外傳子貢問曰賜欲休于事兄弟孔子曰詩云云

妻子好合四句爲之若此其不易也如之何其休也

樂爾妻帑

鄭康成曰古者謂子孫曰帑

禮記注

書正義樂爾妻壻

王肅曰常棣之作在武王既崩周公誅管蔡之後而在文武治內之篇何也夫刑於寡妻至于兄弟以御于家邦此文武之行也閔管蔡之失道陳兄弟之恩義故內之于文武之正雅以成燕羣臣燕兄弟燕朋友之樂歌

焉正義

左傳襄公二十年季武子如宋報聘褚師段逆之以受
享賦常棣之七章以卒

又昭公元年趙孟入于鄭鄭伯享之子皮賦野有死麇
之卒章趙孟賦常棣

唐書賈敦實貞觀中除饒陽令兄敦復為濠州刺
史甚有惠政百姓共樹碑於衢時人呼為常棣碑

伐木六章 集傳三章

韓詩敘曰伐木廢則朋友之道缺勞者歌其事 又曰詩

人伐木自苦其事故以為文文選潘岳賦謝混詩注 范
家相曰言伐木之事勞苦其

聲若求助于眾力者故詩
人取以為求友者興也

蔡邕曰周德始衰伐木有鳥鳴之刺

後漢書注引正交論風俗通亦曰伐木

有鳥鳴之刺

賈公彥曰伐木詩文王敬故也

周官疏

伐木丁丁鳥鳴嚶嚶出自幽谷遷于喬木

徐幹曰小人尚明鑒君子尚至言至言也非賢友則無取

之故君子必求賢友也詩云云言朋友之道務在切直以

升于善道者也

中論貴驗篇

王肅曰鳥聞伐木驚而相命嚶嚶然

正義

郭璞曰嚶嚶兩鳥鳴

讀詩記羅願曰禽經鶯鳴嚶嚶鶯是鶯鳥冬以泥自裹至春破土而出

此正出谷遷喬事也

嚶其鳴矣求其友聲

王逸曰言飛鳥登高木志意喜樂則和鳴求其羣而呼其

耦楚詞招魂注引詩

梁元帝賦曰聞鷦鳴而求友本集惠周揚曰燕生子則委巢為蔽焉此也鳩知雨則

逐婦為棄婦詠也鷽聞聲則鳴和為朋友言也

玉篇曰鷽其鳴矣鷽黃鳥也 文選注鷽其鳴矣張華詩

鷽鳴李注引詩王樞曰東泉雜錄伐木詩正文與注未

嘗及黃鳥自六帖始類入鷽門中然余觀東京賦雖鳩雁

黃聞關嚶嚶以嚶嚶為黃麗自張平子已然矣 歐按此

句承上文申言嚶嚶和鳴之鳥之為鷽也唐人以鷽出谷

命題證以二張蕭顧之解蓋亦三家之舊義矣又按集韻

有鷽其羽或作鷽彼鷽字宜為鷽此嚶字亦宜為鷽也

相彼鳥矣

薛章句曰鳥微物也

文選鸛
鵲賦注

神之聽之終和且平

韓詩外傳曰與人以實雖疏必密與人以虛雖戚必疏夫實之與實如膠于漆虛之與虛如薄冰之見豎日君子可不留意哉詩云云

王質曰神且來聽以其和平亦有感動也

伐木許許

說文曰伐木所所所伐木聲也

顏之推曰伐木澍澍澍澍杝貌後漢書楊由傳風吹削杝

此是削札牘之杝耳古者書誤則削之

顏氏家訓

醴酒有藇

李賢曰醕酒漉也

後漢書馬援傳注引詩

廣韻曰醕酒有醕醕酒之美也

民之失德乾餱以愆

顏師古曰言人無恩德不相飲食則闕乾餱之事為過愆

也

漢書宣帝紀注

漢書宣帝詔曰夫酒食之會所以行禮樂也今郡國或

擅為苛禁禁民不得其酒食相賀召山是廢鄉黨之禮

令民無所樂非所以導民也詩不云乎民之失德乾餱

以愆

本紀

有酒湑我

說文曰清舊酒也

引詩

釋文曰有酒醕我與左傳縮酒同義謂以茅泝之而去其

糟也

無酒酤我

魯匡曰詩云無酒酤我論語酤酒不食二者非相反也夫

詩據承平之世酒酤在官和旨使人可以相御也

注御進也漢

書食貨志

皇侃曰論所明是祭神不用詩所明是人得用也

論語義疏

坎坎鼓我蹲蹲舞我

說文曰鞀鼓我鞀絲也舞也樂有章

郝懿行曰玉篇鞀和悅之響也今詩

作坎藝之

假音也

又曰增增舞我增士舞也

釋文同 爾雅坎坎增增張參曰增

千旬反詩借踰為之

天保六章

詩汜歷樞曰卯酉之際為革正卯天保也

漢書

宋書巢尚之曰天保下報上也

御覽六百五十八 鄭忠允曰史記武王克商髮天

保之未定於是有意此詩之作蓋在東都既成後矣 何楷曰當為營洛後報命而致其祝願之辭

天保定爾亦孔之固

韓詩外傳曰言天之所以仁義禮智保定人之甚固也

王符曰言天保佐王者定其性命甚堅固也

潛夫論慎微篇引詩

詩義折中曰謂君為爾者稱天以為言也

按四章五章卜爾詒爾則又本乎祖以為言也

俾爾單厚何福不除

潛夫論似爾直厚胡福不除

某氏爾雅注引詩直厚並同

吉錫為餽

韓詩曰吉圭惟餽圭潔也

儀禮士虞禮注周禮蜡氏注讀詩記董氏曰韓詩作吉圭惟

餽惠棟曰呂覽臨飲食必錫絜高誘注錫讀為圭蓋三家詩本作吉圭惟餽故高讀從之

大戴禮注絜錫為餽

諸侯遷廟篇

禴祠烝嘗

李氏易傳禴祭烝嘗

萃卦

于公先王

賈公彥曰天保是四時常祭先公中有后稷天作詩是禴

祭在后稷廟中故注不及后稷

周官疏

如月之恆

沈重曰如月之繩繩弦也

釋文說文恆古文从月詩如月之繩

無不爾或承

薛章句曰承受也謂受恩

文選盧諶詩注

墨子周頌道之曰聖人之德若地之普其有昭于天下也若地之固若山之承不屏不崩若日之光若月之明與天地同常則此言聖人之德章明博大貞固以修久

也尚賢篇 故按墨子以此篇為周頌是雅中之兼有頌體者如七月中之有南頌也

采薇

六章

班固曰穆王之孫懿王時王室遂衰戎狄交侵暴虐中國

中國被其苦詩人始作詩疾而歌之

漢書匈奴傳引詩靡室靡家玁狁之故豈

不日誠玁狁孔急

戴震曰采薇出車杕杜漢書有謂為

懿王時詩者毛鄭之解泥于正雅作于周初耳然成康以

後昭穆共懿考夷二百餘年間固不必無玁狁強之事矣

易林曰采薇出車上下役急

咸之漢

彼爾維何

說文曰彼爾惟何爾華盛

王玉樹曰傳訓與說文合字當从革

四牡業業

集韻曰業業壯也又危也

引詩

一月三捷

衆經音義一且三捷

小人所勝

王肅曰所以避患也

正義 箋勝當作能 顧炎武曰古制一車甲士三人其步卒炊家子廩

養樵汲隨車而動如足之勝也步乘相資短長相衛行止相扶此爲節制之師

象弭魚服

郭璞詩拾遺曰弭毛云弓末以象骨爲之蓋俗說也左傳

左執鞭弭弭者弓之別名以象牙爲弓猶今西方有以犀

角鹿角爲弓者

御覽三百四十七

釋文象弭魚服

按周官仲秋獻矢箛屬語梁孤箕箛並作箛

豈不日戒

衆經音義曰豈不日誠言誠備也

玃狁孔棘

毛詩疏博物志曰北方五狄一曰匈奴二曰玃狁三曰密

吉四曰單于五曰白屋

文選潘岳
册文注

昔我往矣楊柳依依今我來思雨雪霏霏

韓詩曰昔始也

釋文

薛君章句曰依依盛貌

文選潘岳
詩注

白虎通曰古者師出不踰時爲怨師也天道一時生一時

養人者天之貴物也踰時則內有怨女外有曠夫詩云云

世說謝公問子弟毛詩何句最佳謝元稱曰昔我往矣
楊柳依依今我來思雨雪霏霏公曰未若詩諶定命遠

獸晨告此句偏有雅人深致

宋祁曰蕭蕭馬鳴悠悠旆旌見其整而靜也顏之推愛之楊柳依依雨雪霏霏寫物態慰人情也謝元石愛之

出車 六章

司馬遷曰周襄王時戎狄居于陸渾東至于衛侵盜暴虐

中國故詩人疾而歌之史記匈奴傳引詩出

班固曰宣王興師命將征伐詩人美其功漢書匈奴傳引詩出與彭彭城

彼朔方范家相曰采薇出車馬

班固曰文王為西伯勞來諸侯之詩左傳閔公元年註

為西伯西有昆夷之患北有獫狁之難遂攘戎狄而戌之

莫不賓服乃率西戎征殷之時周以事紂方苞曰采薇出車杜杜三詩所謂三分有二以服

事紂殷之畔國以事紂其明微也

顏師古曰此詩人美山車而征因築城以攘獫狁也

漢書衛青

傳引詩注

王命南仲往城千方

稽古編竹書紀年帝乙三年王命南仲距昆夷城朔方即詩所咏事時文王在位五年矣南仲以王臣會西伯出征故云自天子所非文王之屬也

出車彭彭

顏師古曰彭彭衆車聲

漢書衛青傳引詩注

史記出與彭彭

城彼朔方

水經河水東逕朔方縣故城北

酈注曰詩所謂朔方也

漢元朔二年衛青取河南地為朔方郡使蘇建築朔方城

即此也河水篇 李本曰城朔方所以使西戎與獵狁不得相為犄角也

赫赫南仲

馬融疏曰獵狁侵周宣王立中興之功是以赫赫南仲載

在周詩後漢書 魏源曰此宣王詩也 出車之南仲即常武之南仲也

曹植表曰相者文德昭則可以匡國朝敘百揆稷契夔

龍是也將者武功烈則可以征不庭廣邦境南仲方叔

是也藝文類聚

獵狁于襄

王符曰獵狁于襄非貪土地以振民育德安疆宇也潛夫論救

邊篇 按此引詩作攘爲
魯家木字毛借作裏也

畏此簡書

左傳管敬仲言於齊侯曰戎狄豺狼不可厭也諸夏親
暱不可棄也宴安耽毒不可懷也詩云豈不懷歸畏此

簡書簡書同惡相恤之謂也

閔公元年

執訊獲醜

顏師古曰執訊者謂執其人而訊問之獲醜者得其衆一

曰醜惡也

漢書衛青傳引詩注

隸釋執訊獲首

杅杜

四章

鹽鐵論文學曰古者無過年之繇無踰時之役今近者數
千里遠者過萬里歷一期長子不還父母愁憂妻子詠嘆
憤懣之恨發動于心慕思之積痛于骨髓此杕杜采薇之
所爲作也繇役篇 臧琳曰觀琴操之說鹿鳴風俗通之
述伐木漢書之引采薇鹽鐵論之證杕杜是四
篇在正雅中
皆爲刺詩矣

沈約宴勞師旋詩曰凱入同高宴飲至均多祐昔往歌采
薇今來歡杕杜藝文類聚五十九 范處義曰出車還
師也故美其功杕杜還役也故極其情
張說狀曰杕杜遺宴甫率于舊章文粹
三十

日月陽止

董仲舒曰十月陰雖用事而陰不孤立此月純陰疑于無

陽故謂之陽月詩人所謂日月陽止者雨電對文
選西京賦注

檀車鞞鞞

韓詩曰檀車綬綬釋文 陳啓源曰綬說文偏綬貌廣雅綬綬綬也偏綬者車敵之狀也

石經檀車鞞鞞范氏引後漢書注檀車鞞鞞

征夫不遠

韓詩曰男年二十行役三十受兵六十還兵禮記正義

魚麗六章

易林曰采薇出車魚麗思初咸之渙

鰭鰭

毛詩義疏曰鰭魚嘗張口吹沙鰭魚之大而有力者鯉背

上斑文腹下純青今以飾弓韃步丈也

初學記

君子有酒旨且多

陸德明曰酒旨絕句且多爲句後放此文

釋文

物其旨矣維其借矣

荀子曰物其指矣唯其借矣不時宜不敬交不驩欣雖指

非禮也

大畧篇 瓊按旨借箋並以魚言如荀之意則謂物既旨美而燕賓之誠亦與俱至非儀不及物也

物其有矣維其時矣

劉向曰物之所以有不絕者以其動之時也

說苑辨物篇 范家相曰

如劉訓則上二章言物之所以多而可貴者維其嘉也所以旨而不厭者維其借也皆以下句申明上句其說甚長

楊倞曰言雖有物亦得其時以喻當之爲貴也

荀子不荷篇注

荀子曰君子行不貴苟難說不貴苟察名不貴苟得唯其常之爲貴詩曰物其有矣唯其時矣此之謂也

不苟篇

南陔

李善曰陔隴也

補亡詩注

白華

李善曰言孝子養父母常自潔如白華也

同

華黍

儀禮鄉飲酒禮燕禮鄉射禮大射禮工入升歌笙入樂南陔白華華黍乃間歌魚麗笙由庚歌南有嘉魚笙崇

邱歌南山有臺笙由儀

鄭康成曰昔周之興也周公制禮作樂時世之詩以爲樂歌所以道性情相風切也其有此篇明矣後世衰微幽厲尤甚禮樂之書視爲廢弁孔子曰吾自衛返魯然後樂正雅頌各得其所當時在者而複重雜亂惡能存其亡者乎且正考父校商之名頌十二篇于周太師歸以祀其先王至孔子二百年之間五篇而已此其信也儀禮鄉飲酒禮注毛奇齡曰正義云孔子所刪三百十一篇當時未亡而漢後亡之故齊魯韓三家遂去其目稱爲三百五篇惟毛詩尚存題其間是軼其字句非無詩也鄭世子樂譜曰笙乃五音六律備具之器六詩既有聲矣安得無辭並南陔等名也序以爲其辭亡者是也儀禮疏堂上歌者堂下笙者卽亡蓋當時方

以類聚笙歌之詩各自一處故存者併存亡者併亡也
何楷曰漢書王式曰臣以三百五篇諫興遂曰大王
誦詩三百五篇及詩書樂緯皆云三百五篇則漢世不以六笙詩列篇也

晉書夏侯湛作周詩成示潘安仁安仁曰非徒溫雅乃
別見孝悌之性本傳世說注湛集敘曰周詩者南陔白

華華黍由庚崇邱由儀六篇有其義而亡其詞湛續其
亡其詩曰

既殷斯虔仰說洪恩夕定晨省奉朝侍昏宵中告退雞
鳴在門孳孳恭誨夙夜是敦按此篇當爲南陔章詩其
外五篇孝標注既未盡登

錄今太初集又
無完書可證矣

晉書束皙字廣微元城人所著有補亡詩本傳序曰皙

與同業疇人肄修鄉飲之禮然所詠之詩或有義無辭
音樂取節闕而不備于是遙想既往思存在昔補著其
文以綴舊制

循彼南陔言采其蘭眷戀庭闈心不遑安彼居之子罔
或遊盤馨爾夕膳絜爾晨餐 循彼南陔厥草油油彼
居之子色思其柔眷戀庭闈心不遑畱馨爾夕膳絜爾
晨羞 有獮有獮在河之渙浚波赴汨噬魴捕鯉噉噉
林鳥受哺于子養隆敬薄惟禽之似勗增爾虔以介不

祉

南陔

三章

白華朱葛被于幽薄粲粲門子如磨如錯終晨三省匪

情其恪 白華絳跣在陵之服 蓍藟士子涅而不渝 竭
誠盡敬 暨齊忘劬 白華元足在邱之曲 堂堂處子無
營無欲 鮮侔晨葩 莫之黜辱

白華 三章

黜黜重雲 輯輯和風 黍華凌嶺 麥秀邱中 靡田不播 九
穀斯豐 奕奕元霄 濛濛甘霔 黍發稠華 亦挺其秀 靡
田不殖 九穀斯茂 無高不播 無下不殖 芒芒其稼 參
參其穠 稽我王委 充我民食 玉燭陽明 顯猷奕奕

華黍

三章 按首章輯
輯和風一作習習

蕩蕩夷庚 物則由之 蠶蠶庶類 王亦柔之道之既由 化
之既柔 木以秋零 草以春抽 獸在在草 魚躍順流 四

時邇謝八風代扇織阿按暑星變其躔五緯不逆六氣

無易悵悵我王紹文之跡

由庚 二章

瞻彼崇邱其林藹藹植物斯高動類斯大周風既洽王
猷允泰 漫漫方輿回回洪覆何類不繁何生不茂物
極其性人永其壽 恢恢大國茫茫九壤資生仰化於
何不養人無道天物極則長

崇邱 三章

肅肅君子由儀率性明明后辟仁以爲政魚遊清沼鳥
萃平林濯鱗鼓翼振振其音賓爲爾誠主竭其心時之
和矣何思何修文化內輯武功外悠

出儀 一章
一作三章

唐裴耀卿表曰臣在州日率當州所管一一與百姓勸

導行禮奏樂歌至白華華黍山庚等章言孝子養親及
羣物遂性之義或有泣者則知人心有感不可盡誣女
二十五 朱戰墳曰耀州所歌者未知卽夏侯之作抑
爲廣微之篇也 璇按唐書禮志州行鄉飲酒禮賓介
就位獻酬後工鼓鹿鳴卒歌笙入奏南陔乃間歌南有
嘉魚笙崇邱乃合樂周南關雎召南鵲巢此所載樂奏
與儀禮同笙詩亦未藏何語豈有聲無詞如集傳之解
耶 又宋史樂志小雅詩譜鹿鳴四牡皇皇者華魚麗
嘉魚南山有臺皆用黃鐘清宮二南國風詩譜關雎葛
覃卷耳鵲巢采芣采蘋皆用無射清商 朱子曰唐開
元鄉飲酒禮乃有此十二篇之目而其聲亦莫得聞此
譜相傳卽開元遺聲也譜以一聲協一字則古詩皆可
歌

鹿鳴之什十篇五十五章